

gustav / February 08, 2013 09:44PM

[金光明最勝王經卷第六](#)

T16n0665\_p0427b14(00)|  
T16n0665\_p0427b15(00)|  
T16n0665\_p0427b16(00)| 金光明最勝王經卷第六  
T16n0665\_p0427b17(00)|  
T16n0665\_p0427b18(00)| 大唐三藏沙門義淨奉 制譯  
T16n0665\_p0427b19(00)| 四天王護國品第十二  
T16n0665\_p0427b20(00)| 爾時，世尊聞四天王恭敬供養《金光明經》，  
T16n0665\_p0427b21(00)| 及能擁護諸持經者，讚言：「善哉！善哉！  
T16n0665\_p0427b22(03)| 汝等四王已於過去無量百千萬億佛所，恭敬供養，  
T16n0665\_p0427b23(00)| 尊重讚歎，植諸善根，修行正法，常說正法，  
T16n0665\_p0427b24(00)| 以法化世。汝等長夜於諸眾生常思利益，  
T16n0665\_p0427b25(00)| 起大慈心，願與安樂，以是因緣，  
T16n0665\_p0427b26(04)| 能令汝等現受勝報。若有人王恭敬供養此《金光明》  
T16n0665\_p0427b27(00)| 最勝經典，汝等應當勤加守護，令得安隱。  
T16n0665\_p0427b28(00)|  
T16n0665\_p0427b29(17)| 汝諸四王及餘眷屬無量無數百千藥叉護是經者，即是護持去、來、現在諸佛正法。  
T16n0665\_p0427c01(01)| 汝等四王及餘天眾并諸藥叉，  
T16n0665\_p0427c02(06)| 與阿蘇羅共鬥戰時，常得勝利；汝等若能護持是經，  
T16n0665\_p0427c03(02)| 由經力故，能除眾苦、怨賊、飢饉及諸疾疫。  
T16n0665\_p0427c04(02)| 是故汝等若見四眾受持讀誦此經王者，  
T16n0665\_p0427c05(01)| 亦應勤心共加守護，為除衰惱，施與安樂。」  
T16n0665\_p0427c06(00)| 爾時，四天王即從座起，偏袒右肩，  
T16n0665\_p0427c07(03)| 右膝著地，合掌恭敬白佛言：「世尊！此  
T16n0665\_p0427c08(06)| 《金光明最勝經王》，於未來世，若有國土城邑聚落、  
T16n0665\_p0427c09(02)| 山林曠野，隨所至處流布之時，  
T16n0665\_p0427c10(05)| 若彼國王於此經典至心聽受，稱歎供養，  
T16n0665\_p0427c11(06)| 并復供給受持是經四部之眾，深心擁護，令離衰惱，  
T16n0665\_p0427c12(02)| 以是因緣，我護彼王及諸人眾，皆令安隱，  
T16n0665\_p0427c13(02)| 遠離憂苦，增益壽命，威德具足。世尊！  
T16n0665\_p0427c14(04)| 若彼國王見於四眾受持經者，恭敬守護猶如父母，  
T16n0665\_p0427c15(00)| 一切所須悉皆供給，我等四王常為守護，  
T16n0665\_p0427c16(00)| 令諸有情無不尊敬。  
T16n0665\_p0427c17(08)| 是故我等并與無量藥叉諸神，隨此經王所流布處，潛身擁護，  
T16n0665\_p0427c18(00)| 令無留難，  
T16n0665\_p0427c19(11)| 亦當護念聽是經人諸國王等，除其衰患，悉令安隱，  
T16n0665\_p0427c20(07)| 他方怨賊皆使退散。若有人王聽是經時，  
T16n0665\_p0427c21(06)| 鄰國怨敵興如是念：『當具四兵壞彼國土。』世尊！  
T16n0665\_p0427c22(03)| 以是經王威神力故，是時鄰敵更有異怨，  
T16n0665\_p0427c23(03)| 而來侵擾於其境界，多諸災變疫病流行。  
T16n0665\_p0427c24(03)| 時王見已即嚴四兵，發向彼國欲為討罰。  
T16n0665\_p0427c25(02)| 我等爾時當與眷屬無量無邊藥叉諸神，  
T16n0665\_p0427c26(03)| 各自隱形為作護助，令彼怨敵自然降伏，  
T16n0665\_p0427c27(03)| 尚不敢來至其國界，豈復得有兵戈相罰。」  
T16n0665\_p0427c28(00)| 爾時，佛告四天王：「善哉！善哉！汝等四王，  
T16n0665\_p0427c29(01)| 乃能擁護如是經典。  
T16n0665\_p0428a01(08)| 我於過去百千俱胝那庾多劫，修諸苦行，  
T16n0665\_p0428a02(09)| 得阿耨多羅三藐三菩提，證一切智，今說是法。  
T16n0665\_p0428a03(06)| 若有人王受持是經，恭敬供養者，為消衰患，令其安隱，  
T16n0665\_p0428a04(01)| 亦復擁護城邑聚落，乃至怨賊悉令退散，  
T16n0665\_p0428a05(01)| 亦令一切瞻部洲內所有諸王，  
T16n0665\_p0428a06(06)| 永無衰惱鬥諍之事。四王當知！  
T16n0665\_p0428a07(10)| 此瞻部洲八萬四千城邑聚落、八萬四千諸人王等，  
T16n0665\_p0428a08(06)| 各於其國受諸快樂，皆得自在，所有財寶豐足受用，

T16n0665\_p0428a09(03) 不相侵奪，隨彼宿因而受其報，  
T16n0665\_p0428a10(06) 不起惡念貪求他國，咸生少欲利樂之心，  
T16n0665\_p0428a11(06) 無有鬥戰繫縛等苦。其土人民自生愛樂，上下和穆，  
T16n0665\_p0428a12(02) 猶如水乳，情相愛重，歡喜遊戲，慈悲謙讓，  
T16n0665\_p0428a13(03) 增長善根。以是因緣，此瞻部洲安隱豐樂，  
T16n0665\_p0428a14(03) 人民熾盛，大地沃壤，寒暑調和，時不乖序，  
T16n0665\_p0428a15(03) 日月星宿常度無虧，風雨隨時，離諸災橫，  
T16n0665\_p0428a16(03) 資產財寶皆悉豐盈，心無慳鄙，常行慧施，  
T16n0665\_p0428a17(03) 具十善業，若人命終，多生天上，增益天眾。大王！  
T16n0665\_p0428a18(01) 若未來世有諸人王聽受是經，  
T16n0665\_p0428a19(05) 恭敬供養并受持是經，四部之眾尊重稱讚。  
T16n0665\_p0428a20(04) 復欲安樂饒益汝等及諸眷屬無量百千諸藥叉眾，  
T16n0665\_p0428a21(01) 是故彼王常當聽受是妙經王，  
T16n0665\_p0428a22(05) 由得聞此正法之水甘露上味，增益汝等身心勢力，  
T16n0665\_p0428a23(02) 精進勇猛，福德威光悉令充滿。  
T16n0665\_p0428a24(06) 是諸人王若能至心聽受是經，則為廣大希有供養，  
T16n0665\_p0428a25(02) 供養於我釋迦牟尼應。正等覺。若供養我，  
T16n0665\_p0428a26(02) 則是供養過去、未來、現在百千俱胝那庾多佛。  
T16n0665\_p0428a27(01) 若能供養三世諸佛，  
T16n0665\_p0428a28(10) 則得無量不可思議功德之聚。以是因緣，  
T16n0665\_p0428a29(10) 汝等應當擁護彼王后妃眷屬，令無衰惱，及宮宅神常受安樂，  
T16n0665\_p0428b01(02) 功德難思，是諸國土所有人民，  
T16n0665\_p0428b02(06) 亦受種種五欲之樂，一切惡事皆令消殄。」  
T16n0665\_p0428b03(00) 爾時，四天王白佛言：「世尊！於未來世，  
T16n0665\_p0428b04(02) 若有人王，樂聽如是《金光明經》，為欲擁護自身、  
T16n0665\_p0428b05(00) 后妃、王子，乃至內宮諸姝女等，城邑宮殿，  
T16n0665\_p0428b06(01) 皆得第一不可思議最上歡喜寂靜安樂，  
T16n0665\_p0428b07(02) 於現世中，王位尊高，自在昌盛，常得增長，  
T16n0665\_p0428b08(02) 復欲攝受無量無邊難思福聚，  
T16n0665\_p0428b09(06) 於自國土令無怨敵及諸憂惱災厄事者。世尊！  
T16n0665\_p0428b10(04) 如是人王不應放逸令心散亂，  
T16n0665\_p0428b11(07) 當生恭敬至誠殷重，聽受如是最勝經王。欲聽之時，  
T16n0665\_p0428b12(02) 先當莊嚴最上宮室，王所愛重顯敞之處，  
T16n0665\_p0428b13(03) 香水灑地，散眾名花，安置師子殊勝法座，  
T16n0665\_p0428b14(03) 以諸珍寶而為校飾，張施種種寶蓋幢幡，  
T16n0665\_p0428b15(02) 燒無價香，奏諸音樂。其王爾時當淨澡浴，  
T16n0665\_p0428b16(02) 以香塗身，著新淨衣及諸瓔珞，坐小卑座，  
T16n0665\_p0428b17(02) 不生高舉，捨自在位，離諸憍慢，端心正念，  
T16n0665\_p0428b18(02) 聽是經王；於法師所，起大師想。  
T16n0665\_p0428b19(06) 復於宮內后妃王子姝女眷屬生慈愍心，喜悅相視，  
T16n0665\_p0428b20(02) 和顏軟語，於自身心大喜充遍。作如是念：  
T16n0665\_p0428b21(02) 『我今獲得難思殊勝廣大利益，於此經王，  
T16n0665\_p0428b22(01) 盛興供養。』既敷設已，見法師至，  
T16n0665\_p0428b23(05) 當起虔敬渴仰之心。」  
T16n0665\_p0428b24(00) 爾時，佛告四天王：「不應如是不迎法師。  
T16n0665\_p0428b25(01) 時彼人王應著純淨鮮潔之衣，  
T16n0665\_p0428b26(05) 種種瓔珞以為嚴飾，自持白蓋及以香花，備整軍儀，  
T16n0665\_p0428b27(01) 盛陳音樂，步出城闕迎彼法師，  
T16n0665\_p0428b28(05) 運想虔恭為吉祥事。四王！  
T16n0665\_p0428b29(10) 以何因緣令彼人王親作如是恭敬供養？由彼人王舉足下足，  
T16n0665\_p0428c01(02) 步步即是恭敬供養、  
T16n0665\_p0428c02(11) 承事尊重百千萬億那庾多諸佛世尊，復得超越如是劫數生死之苦，  
T16n0665\_p0428c03(00) 復於來世如是劫數，  
T16n0665\_p0428c04(07) 當受輪王殊勝尊位。隨其步步，  
T16n0665\_p0428c05(11) 亦於現世福德增長自在為王，感應難思，眾所欽重；

T16n0665\_p0428c06(07) 當於無量百千億劫人天受用七寶宮殿，  
T16n0665\_p0428c07(07) 所在生處常得為王，增益壽命，言詞辯了，人天信受，  
T16n0665\_p0428c08(03) 無所畏懼，有大名稱，咸共瞻仰，  
T16n0665\_p0428c09(07) 天上人中受勝妙樂，獲大力勢，有大威德，身相奇妙，  
T16n0665\_p0428c10(03) 端嚴無比，值天人師，遇善知識，  
T16n0665\_p0428c11(07) 成就具足無量福聚。四王當知！  
T16n0665\_p0428c12(11) 彼諸人王見如是等種種無量功德利益故，應自往奉迎法師。  
T16n0665\_p0428c13(03) 若一踰繕那，乃至百千踰繕那，  
T16n0665\_p0428c14(07) 於說法師應生佛想，還至城已，作如是念：  
T16n0665\_p0428c15(08) 『今日釋迦牟尼如來。應。正等覺入我宮中，受我供養，  
T16n0665\_p0428c16(03) 為我說法。我聞法已，  
T16n0665\_p0428c17(11) 即於阿耨多羅三藐三菩提不復退轉，  
T16n0665\_p0428c18(13) 即是值遇百千萬億那由多諸佛世尊。  
T16n0665\_p0428c19(14) 我於今日即是種種廣大殊勝上妙樂具，供養過去、未來、現在諸佛。  
T16n0665\_p0428c20(04) 我於今日即是永拔琰摩王界、地獄、餓鬼、傍生之苦。  
T16n0665\_p0428c21(01) 便為已種無量百千萬億轉輪聖王、  
T16n0665\_p0428c22(04) 釋梵天主善根種子。當令無量百千萬億眾生，  
T16n0665\_p0428c23(01) 出生死苦，得涅槃樂，  
T16n0665\_p0428c24(09) 積集無量無邊不可思議福德之聚，後宮眷屬及諸人民皆蒙安隱，  
T16n0665\_p0428c25(00) 國土清泰，無諸災厄、毒害、惡人，  
T16n0665\_p0428c26(04) 他方怨敵不來侵擾，遠離憂患。』四王當知！  
T16n0665\_p0428c27(04) 時彼人王應作如是尊重正法，  
T16n0665\_p0428c28(08) 亦於受持是妙經典苾芻、苾芻尼、鄔波索迦、鄔波斯迦，  
T16n0665\_p0428c29(04) 供養恭敬尊重讚歎，所獲善根，  
T16n0665\_p0429a01(07) 先以勝福施與汝等及諸眷屬。彼之人王，  
T16n0665\_p0429a02(07) 有大福德善業因緣，於現世中得大自在增益威光，  
T16n0665\_p0429a03(02) 吉祥妙相皆悉莊嚴，  
T16n0665\_p0429a04(11) 一切怨敵能以正法而摧伏之。」  
T16n0665\_p0429a05(00) 爾時，四天王白佛言：「世尊！  
T16n0665\_p0429a06(06) 若有人王能作如是恭敬正法，聽此經王，  
T16n0665\_p0429a07(06) 并於四眾持經之人，恭敬供養，尊重讚歎。  
T16n0665\_p0429a08(06) 時彼人王欲為我等生歡喜故，當在一邊，近於法座，  
T16n0665\_p0429a09(01) 香水灑地，散眾名花，安置處所，設四王座，  
T16n0665\_p0429a10(01) 我與彼王共聽正法。其王所有自利善根，  
T16n0665\_p0429a11(01) 亦以福分施及我等。世尊！  
T16n0665\_p0429a12(07) 時彼人王請說法者，昇座之時，便為我等燒眾名香，  
T16n0665\_p0429a13(03) 供養是經。世尊！時彼香煙於一念頃，上昇虛空，  
T16n0665\_p0429a14(01) 即至我等諸天宮殿，於虛空中變成香蓋。  
T16n0665\_p0429a15(01) 我等天眾聞彼妙香，  
T16n0665\_p0429a16(09) 香有金光照曜我等所居宮殿，乃至梵宮及以帝釋、大辯才天、  
T16n0665\_p0429a17(01) 大吉祥天、堅牢地神、正了知大將、  
T16n0665\_p0429a18(03) 二十八部諸藥叉神、大自在天、金剛密主、  
T16n0665\_p0429a19(03) 寶賢大將、訶利底母五百眷屬、無熱惱池龍王、  
T16n0665\_p0429a20(01) 大海龍王所居之處。世尊！  
T16n0665\_p0429a21(07) 如是等眾於自宮殿見彼香煙，一剎那頃變成香蓋，  
T16n0665\_p0429a22(03) 聞香芬馥，睹色光明，遍至一切諸天神宮。」  
T16n0665\_p0429a23(03) 佛告四天王：「是香光明非但至此宮殿，變成香蓋，  
T16n0665\_p0429a24(00) 放大光明；由彼人王手擎香鑪，  
T16n0665\_p0429a25(03) 燒眾名香供養經時，  
T16n0665\_p0429a26(11) 其香煙氣於一念頃遍至三千大千世界，百億日月、百億妙高山王、  
T16n0665\_p0429a27(02) 百億四洲，於此三千大千世界一切天、龍、藥叉、  
T16n0665\_p0429a28(01) 健闍婆、阿蘇羅、揭路茶、緊那羅、  
T16n0665\_p0429a29(06) 莫呼洛伽宮殿之所，於虛空中充滿而住。  
T16n0665\_p0429b01(06) 種種香煙變成雲蓋，其蓋金色普照天宮。  
T16n0665\_p0429b02(05) 如是三千大千世界所有種種香雲香蓋，皆是

T16n0665\_p0429b03(05) 《金光明最勝王經》威神之力。  
T16n0665\_p0429b04(08) 是諸人王手持香爐供養經時，  
T16n0665\_p0429b05(12) 種種香氣非但遍此三千大千世界，  
T16n0665\_p0429b06(15) 於一念頃亦遍十方無量無邊恒河沙等百千萬億諸佛國土，  
T16n0665\_p0429b07(07) 於諸佛上虛空之中變成香蓋，金色普照亦復如是。  
T16n0665\_p0429b08(03) 時彼諸佛聞此妙香，睹斯雲蓋及以金色，  
T16n0665\_p0429b09(03) 於十方界恒河沙等諸佛世尊現神變已，  
T16n0665\_p0429b10(03) 彼諸世尊悉共觀察，異口同音讚法師曰：『善哉！  
T16n0665\_p0429b11(01) 善哉！汝大丈夫！  
T16n0665\_p0429b12(11) 能廣流布如是甚深微妙經典，則為成就無量無邊不可思議福德之聚。  
T16n0665\_p0429b13(00) 若有聽聞如是經者，所獲功德其量甚多，  
T16n0665\_p0429b14(00) 何況書寫、受持、讀誦、為他敷演、如說修行。  
T16n0665\_p0429b15(00) 何以故？善男子！若有眾生聞此  
T16n0665\_p0429b16(05) 《金光明最勝王經》者，  
T16n0665\_p0429b17(12) 即於阿耨多羅三藐三菩提不復退轉。』」  
T16n0665\_p0429b18(00) 爾時，  
T16n0665\_p0429b19(15) 十方有百千俱胝那庾多無量無數恒河沙等諸佛剎土，  
T16n0665\_p0429b20(10) 彼諸剎土一切如來異口同音，於法座上讚彼法師言：「善哉！善哉！  
T16n0665\_p0429b21(00) 善男子！汝於來世，以精勤力，  
T16n0665\_p0429b22(05) 當修無量百千苦行，具足資糧，超諸聖眾，出過三界，  
T16n0665\_p0429b23(01) 為最勝尊，當坐菩提樹王之下，殊勝莊嚴，  
T16n0665\_p0429b24(01) 能救三千大千世界有緣眾生，  
T16n0665\_p0429b25(05) 善能摧伏可畏形儀諸魔軍眾，  
T16n0665\_p0429b26(10) 覺了諸法最勝清淨甚深無上正等菩提。善男子！  
T16n0665\_p0429b27(07) 汝當坐於金剛之座，轉於無上諸佛所讚十二妙行甚深法輪，  
T16n0665\_p0429b28(00) 能擊無上最大法鼓，能吹無上極妙法螺，  
T16n0665\_p0429b29(00) 能建無上殊勝法幢，能然無上極明法炬，  
T16n0665\_p0429c01(00) 能降無上甘露法雨，能斷無量煩惱怨結，  
T16n0665\_p0429c02(01) 能令無量百千萬億那庾多有情，  
T16n0665\_p0429c03(04) 渡於無涯可畏大海，解脫生死無際輪迴，  
T16n0665\_p0429c04(04) 值遇無量百千萬億那庾多佛。」  
T16n0665\_p0429c05(00) 爾時，四天王復白佛言：「世尊！是  
T16n0665\_p0429c06(06) 《金光明最勝王經》，能於未來現在成就如是無量功德，  
T16n0665\_p0429c07(00) 是故人王若得聞是微妙經典，  
T16n0665\_p0429c08(04) 即是已於百千萬億無量佛所種諸善根，  
T16n0665\_p0429c09(04) 於彼人王我當護念。復見無量福德利故，  
T16n0665\_p0429c10(04) 我等四王及餘眷屬無量百千萬億諸神，  
T16n0665\_p0429c11(05) 於自宮殿見是種種香煙雲蓋神變之時，  
T16n0665\_p0429c12(06) 我當隱蔽不現其身，為聽法故，  
T16n0665\_p0429c13(10) 當至是王清淨嚴飾所止宮殿講法之處。如是乃至梵宮、帝釋、  
T16n0665\_p0429c14(03) 大辯才天、大吉祥天、堅牢地神、正了知神大將、  
T16n0665\_p0429c15(01) 二十八部諸藥叉神、大自在天、金剛密主、  
T16n0665\_p0429c16(02) 寶賢大將、訶利底母五百眷屬、無熱惱池龍王、  
T16n0665\_p0429c17(01) 大海龍王、無量百千萬億那庾多諸天藥叉，  
T16n0665\_p0429c18(01) 如是等眾為聽法故，皆不現身，  
T16n0665\_p0429c19(05) 至彼人王殊勝宮殿莊嚴高座說法之所。世尊！  
T16n0665\_p0429c20(04) 我等四王及餘眷屬藥叉諸神，  
T16n0665\_p0429c21(09) 皆當一心共彼人王為善知識，因是無上大法施主，  
T16n0665\_p0429c22(05) 以甘露味充足於我，是故我等擁護是王，除其衰患，  
T16n0665\_p0429c23(01) 令得安隱，  
T16n0665\_p0429c24(13) 及其宮殿城邑國土諸惡災變悉令消滅。」爾時，四天王俱共合掌白佛言：  
T16n0665\_p0429c25(02) 「世尊！若有人王於其國土，雖有此經，  
T16n0665\_p0429c26(02) 未常流布，心生捨離，不樂聽聞，  
T16n0665\_p0429c27(06) 亦不供養尊重讚歎，見四部眾持經之人，  
T16n0665\_p0429c28(07) 亦復不能尊重供養，遂令我等及餘眷屬無量諸天，

T16n0665\_p0429c29(03) 不得聞此甚深妙法，背甘露味，失正法流，  
T16n0665\_p0430a01(02) 無有威光及以勢力，增長惡趣，損滅人天，  
T16n0665\_p0430a02(02) 墜生死河，乖涅槃路。世尊！  
T16n0665\_p0430a03(08) 我等四王并諸眷屬及藥叉等，見如斯事，捨其國土，無擁護心。  
T16n0665\_p0430a04(00) 非但我等捨棄是王，  
T16n0665\_p0430a05(09) 亦有無量守護國土諸大善神悉皆捨去。既捨離已，  
T16n0665\_p0430a06(05) 其國當有種種災禍，喪失國位，一切人眾皆無善心，  
T16n0665\_p0430a07(01) 惟有繫縛，殺害嗔諍，互相讒諂，[打-丁+王]及無辜，  
T16n0665\_p0430a08(02) 疾疫流行，彗星數出，兩日並現，博蝕無恒，  
T16n0665\_p0430a09(01) 黑白二虹表不祥相，星流地動，井內發聲，  
T16n0665\_p0430a10(01) 暴雨惡風不依時節，常遭飢饉，苗實不成，  
T16n0665\_p0430a11(00) 多有他方怨賊侵掠，國內人民受諸苦惱，  
T16n0665\_p0430a12(00) 土地無有可樂之處。世尊！  
T16n0665\_p0430a13(06) 我等四王及與無量百千天神，  
T16n0665\_p0430a14(11) 并護國土諸舊善神遠離去時，生如是等無量百千災怪惡事。世尊！  
T16n0665\_p0430a15(01) 若有人王欲護國土，常受快樂，  
T16n0665\_p0430a16(04) 欲令眾生咸蒙安隱，欲得摧伏一切外敵，  
T16n0665\_p0430a17(04) 於自國境永得昌盛，欲令正教流布世間，  
T16n0665\_p0430a18(04) 苦惱惡法皆除滅者。世尊！  
T16n0665\_p0430a19(10) 是諸國主必當聽受是妙經王，亦應恭敬供養讀誦受持經者。  
T16n0665\_p0430a20(02) 我等及餘無量天眾以是聽法善根威力，  
T16n0665\_p0430a21(02) 得服無上甘露法味，增益我等所有眷屬，  
T16n0665\_p0430a22(03) 并餘天神皆得勝利。  
T16n0665\_p0430a23(12) 何以故？以是人王至心聽受是經典故。世尊！  
T16n0665\_p0430a24(10) 如大梵天於諸有情常為宣說世出世論，帝釋復說種種諸論，  
T16n0665\_p0430a25(03) 五通神仙亦說諸論。世尊！梵天、帝釋、  
T16n0665\_p0430a26(05) 五通仙人雖有百千俱胝那庾多無量諸論，  
T16n0665\_p0430a27(05) 然佛世尊慈悲哀愍，為人天眾說《金光明》微妙經典，  
T16n0665\_p0430a28(01) 比前所說，  
T16n0665\_p0430a29(13) 勝彼百千俱胝那庾多倍不可為喻。  
T16n0665\_p0430b01(16) 何以故？由此能令諸瞻部洲所有王等正法化世，能與眾生安樂之事，  
T16n0665\_p0430b02(03) 為護自身及諸眷屬，令無苦惱，  
T16n0665\_p0430b03(07) 又無他方怨賊侵害，所有諸惡悉皆遠去，亦令國土災厄屏除，  
T16n0665\_p0430b04(00) 化以正法無有諍訟。是故人王各於國土，  
T16n0665\_p0430b05(00) 當然法炬，明照無邊，增益天眾并諸眷屬。  
T16n0665\_p0430b06(00) 世尊！我等四王無量天神藥叉之眾，  
T16n0665\_p0430b07(03) 瞻部洲內所有天神，  
T16n0665\_p0430b08(10) 以是因緣得服無上甘露法味，獲大威德勢力光明無不具足，  
T16n0665\_p0430b09(01) 一切眾生皆得安隱，  
T16n0665\_p0430b10(10) 復於來世無量百千不可思議那庾多劫常受快樂，  
T16n0665\_p0430b11(06) 復得值遇無量諸佛，種諸善根，  
T16n0665\_p0430b12(11) 然後證得阿耨多羅三藐三菩提。如是無量無邊勝利，皆是如來。應。  
T16n0665\_p0430b13(02) 正等覺，以大慈悲過諸梵眾，  
T16n0665\_p0430b14(07) 以大智慧逾於帝釋，修諸苦行勝五通仙，  
T16n0665\_p0430b15(07) 百千萬億那庾多倍不可稱計，  
T16n0665\_p0430b16(11) 為諸眾生演說如是微妙經典，令瞻部洲一切國主及諸人眾，  
T16n0665\_p0430b17(03) 明了世間所有法式，治國化人勸導之事，  
T16n0665\_p0430b18(02) 由此經王流通力故，普得安樂。此等福利，  
T16n0665\_p0430b19(02) 皆是釋迦大師於此經典廣為流通慈悲力故。世尊！以是因緣，諸人王等皆應受持，  
T16n0665\_p0430b20(17) 供養恭敬，尊重讚歎此妙經王。  
T16n0665\_p0430b21(00) 何以故？以如是等不可思議殊勝功德利益一切，  
T16n0665\_p0430b22(04) 是故名曰最勝經王。」  
T16n0665\_p0430b23(00) 爾時，世尊復告四天王：「汝等四王及餘眷屬，  
T16n0665\_p0430b24(00) 無量百千俱胝那庾多諸天大眾，見彼人王，

T16n0665\_p0430b26(00) 若能至心聽是經典，供養恭敬、尊重讚歎者，  
T16n0665\_p0430b27(00) 應當擁護，除其衰患，能令汝等亦受安樂；  
T16n0665\_p0430b28(00) 若四部眾能廣流布是經王者，  
T16n0665\_p0430b29(04) 於人天中廣作佛事，普能利益無量眾生，如是之人，  
T16n0665\_p0430c01(00) 汝等四王常當擁護。如是四眾，  
T16n0665\_p0430c02(04) 勿使他緣共相侵擾，令彼身心寂靜安樂，  
T16n0665\_p0430c03(04) 於此經王廣宣流布，令不斷絕，利益有情，  
T16n0665\_p0430c04(03) 盡未來際。」  
T16n0665\_p0430c05(00) 爾時，多聞天王從座而起，白佛言：「世尊！  
T16n0665\_p0430c06(01) 我有如意寶珠陀羅尼法，  
T16n0665\_p0430c07(07) 若有眾生樂受持者，功德無量。  
T16n0665\_p0430c08(11) 我常擁護令彼眾生離苦得樂，能成福智二種資糧。  
T16n0665\_p0430c09(07) 欲受持者先當誦此護身之咒。」即說咒曰：  
T16n0665\_p0430c10(00) 「南謨薛室囉末拏也莫訶曷囉闍也 怛姪  
T16n0665\_p0430c11(00) 他 囉囉囉囉 矩怒矩怒 區怒區怒 嚩  
T16n0665\_p0430c12(00) 怒嚩怒 颯[口\*縛]颯[口\*縛]羯囉 羯囉莫訶毘羯  
T16n0665\_p0430c13(00) 喇麼 莫訶毘羯喇麼 莫訶曷囉社 曷  
T16n0665\_p0430c14(00) [口\*洛]又曷[口\*洛]又 睹漫(自稱己名) 薩婆薩埵難者 莎  
T16n0665\_p0430c15(00) 訶  
T16n0665\_p0430c16(00) 「世尊！誦此咒者，當以白線咒之七遍，  
T16n0665\_p0430c17(02) 一遍一結，繫之肘後，其事必成；應取諸香，  
T16n0665\_p0430c18(02) 所謂安息、栴檀、龍腦、蘇合、多揭羅、熏陸，皆須等分，  
T16n0665\_p0430c19(00) 和合一處，手執香爐，燒香供養，清淨澡浴，  
T16n0665\_p0430c20(00) 著鮮潔衣，於一靜室，  
T16n0665\_p0430c21(04) 可誦神咒請我薛室囉末拏天王。」即說咒曰：  
T16n0665\_p0430c22(00) 「南謨薛室囉末拏(引)也  
T16n0665\_p0430c23(00) 「南謨檀那馱也 檀泥說囉(引)也 阿揭擗  
T16n0665\_p0430c24(00) 阿鉢[口\*賴]弭哆 檀泥說囉 鉢囉麼 迦留  
T16n0665\_p0430c25(00) 尼迦 薩婆薩埵 呬哆振哆 麼麼(己名)檀那  
T16n0665\_p0430c26(00) 末奴鉢喇拽擗 碎闍摩揭擗 莎訶  
T16n0665\_p0430c27(00) 「此咒誦滿一七遍已，次誦本咒。欲誦咒時，  
T16n0665\_p0430c28(00) 先當稱名敬禮三寶，及薛室囉末拏天王。  
T16n0665\_p0430c29(00) 能施財物，令諸眾生所求願滿，悉能成就，  
T16n0665\_p0431a01(00) 與其安樂。如是禮已，  
T16n0665\_p0431a02(08) 次誦薛室囉末拏天王如意末尼寶心神咒，能施眾生隨意安樂。」  
T16n0665\_p0431a03(00) 爾時，多聞天王即於佛前，  
T16n0665\_p0431a04(07) 說如意末尼寶心咒曰：  
T16n0665\_p0431a05(00) 「南謨曷喇怛娜 怛喇夜野(引)南謨薛室囉  
T16n0665\_p0431a06(00) 末拏(引)也  
T16n0665\_p0431a07(00) 「莫訶囉闍(引)也 怛姪他 四弭四弭 蘇母  
T16n0665\_p0431a08(00) 蘇母 栴茶栴茶 折囉折囉 薩囉薩囉  
T16n0665\_p0431a09(00) 羯囉羯囉 枳哩枳哩 矩嚩矩嚩 母嚩母  
T16n0665\_p0431a10(00) 嚩 主嚩主嚩 娑大也頰貪 我名某甲  
T16n0665\_p0431a11(00) 呢店頰他 達達睹莎訶 南謨薛室囉末  
T16n0665\_p0431a12(00) 拏也莎訶檀那馱也莎訶 曼奴喇他鉢喇脯  
T16n0665\_p0431a13(00) 喇迦(引)也莎訶  
T16n0665\_p0431a14(00) 「受持咒時，先誦千遍，  
T16n0665\_p0431a15(08) 然後於淨室中瞿摩塗地作小壇場，隨時飲食，一心供養，  
T16n0665\_p0431a16(01) 常然妙香，令煙不絕。誦前心咒晝夜繫心，  
T16n0665\_p0431a17(00) 惟自耳聞，勿令他解。  
T16n0665\_p0431a18(08) 時有薛室囉末拏王子名禪膩師，現童子形，來至其所。問言：  
T16n0665\_p0431a19(00) 『何故須喚我父？』即可報言：『我為供養三寶，  
T16n0665\_p0431a20(00) 事須財物，願當施與。』時禪膩師聞是語已，  
T16n0665\_p0431a21(00) 即還父所，白其父言：  
T16n0665\_p0431a22(08) 『今有善人發至誠心，供養三寶，少乏財物，為斯請召。』

T16n0665\_p0431a23(02) 其父報曰：『汝可速去，  
T16n0665\_p0431a24(10) 日日與彼一百迦利沙波拏(此是根本梵音，惟目貝齒而隨方不定，或是貝齒，或是金銀銅鐵等錢，  
T16n0665\_p0431a25(12) 然摩揭陀現今通用一迦利沙波拏有一千六百貝齒，總數可以准知，若准物直隨處不定。若人持咒得成就者，獲物之時自知其數。有本云：  
T16n0665\_p0431a26(04) 每日與一百陳那羅，即金錢也。乃至盡形日日常得，西方求者多有神驗，除不至心也)。  
』  
T16n0665\_p0431a27(00) 「其持咒者見是相已，知事得成。  
T16n0665\_p0431a28(03) 當須獨處淨室，燒香而臥。可於床邊置一香篋，  
T16n0665\_p0431a29(01) 每至天曉，觀其篋中獲所求物。每得物時，  
T16n0665\_p0431b01(00) 當日即須供養三寶，香花飲食兼施貧乏，  
T16n0665\_p0431b02(00) 皆令罄盡，不得停留。  
T16n0665\_p0431b03(07) 於諸有情起慈悲念，勿生瞋誑詔害之心。若起瞋者，  
T16n0665\_p0431b04(03) 即失神驗，常可護心，勿令瞋恚。又持此咒者，  
T16n0665\_p0431b05(01) 於每日中憶我多聞天王，  
T16n0665\_p0431b06(08) 及男女眷屬稱揚讚歎，恒以十善共相資助，  
T16n0665\_p0431b07(07) 令彼天等福力增明，眾善普臻證菩提處。  
T16n0665\_p0431b08(07) 彼諸天眾見是事已，皆大歡喜，共來擁衛持咒之人。  
T16n0665\_p0431b09(03) 又持咒者壽命長遠，經無量歲，永離三塗，  
T16n0665\_p0431b10(03) 常無災厄，亦令獲得如意寶珠及以伏藏，  
T16n0665\_p0431b11(03) 神通自在，所願皆成。若求官榮，無不稱意，  
T16n0665\_p0431b12(02) 亦解一切禽獸之語。  
T16n0665\_p0431b13(00) 「世尊！若持咒時，欲得見我自身現者，  
T16n0665\_p0431b14(01) 可於月八日或十五日，  
T16n0665\_p0431b15(07) 於白疊上畫佛形像，當用木膠雜彩莊飾，  
T16n0665\_p0431b16(06) 其畫像人為受八戒。於佛左邊作吉祥天女像，  
T16n0665\_p0431b17(04) 於佛右邊作我多聞天像，并畫男女眷屬之類。  
T16n0665\_p0431b18(02) 安置座處咸令如法，布列花彩，燒眾名香，  
T16n0665\_p0431b19(01) 然燈續明，晝夜無歇，上妙飲食種種珍奇，  
T16n0665\_p0431b20(01) 發殷重心隨時供養，受持神咒，不得輕心。  
T16n0665\_p0431b21(00) 請召我時應誦此咒：  
T16n0665\_p0431b22(00) 「南謨室利健那也 勃陀(引)也 南謨  
T16n0665\_p0431b23(00) 薛室囉末拏也 藥叉囉闍(引)也 莫訶囉闍  
T16n0665\_p0431b24(00) 阿地囉闍也 南麼室唎耶裔 莫訶提弊(引)  
T16n0665\_p0431b25(00) 裔 怛姪他 怛囉怛囉 咄嚕咄嚕 末囉  
T16n0665\_p0431b26(00) 末囉 幸率吐幸率吐 漢娜漢娜 末尼  
T16n0665\_p0431b27(00) 羯諾迦 跋折囉薛琉璃也 目底迦楞訖[口\*栗]  
T16n0665\_p0431b28(00) 哆 設唎囉裔 蒲(引)薩婆薩埵呬迦摩  
T16n0665\_p0431b29(00) 薛室囉末拏 室唎夜提鼻 跋[口\*臘]婆也  
T16n0665\_p0431c01(00) 醫呬醫呬磨毘藍婆 瞿[口\*栗]拏瞿[口\*栗]拏[袖-由+未]  
T16n0665\_p0431c02(00) (麻八反)唎娑[袖-由+未]唎娑 達馱呬麼麼 阿目迦那  
T16n0665\_p0431c03(00) 末寫(自稱己名)達哩設那迦末寫達哩設南 麼麼  
T16n0665\_p0431c04(00) 末那 鉢唎曷囉大也 莎訶  
T16n0665\_p0431c05(00) 「世尊！我若見此誦咒之人，  
T16n0665\_p0431c06(06) 復見如是盛興供養，即生慈愛歡喜之心。  
T16n0665\_p0431c07(06) 我即變身作小兒形，或作老人、苾芻之像，  
T16n0665\_p0431c08(07) 手持如意末尼寶珠，并持金囊入道場內，身現恭敬，  
T16n0665\_p0431c09(02) 口稱佛名，語持咒者曰：『隨汝所求，皆令如願。』  
T16n0665\_p0431c10(00) 或隱林藪，或造寶珠，或欲眾人愛寵，  
T16n0665\_p0431c11(01) 或求金銀等物，欲持諸咒，皆令有驗。  
T16n0665\_p0431c12(02) 或欲神通壽命長遠，及勝妙樂，無不稱心。  
T16n0665\_p0431c13(02) 我今且說如是之事，若更求餘，皆隨所願，  
T16n0665\_p0431c14(01) 悉得成就，寶藏無盡，功德無窮。  
T16n0665\_p0431c15(05) 假使日月墜于地，或可大地有時移轉，  
T16n0665\_p0431c16(05) 我此實語終不虛然，常得安隱，隨心快樂。世尊！

T16n0665\_p0431c17(02) 若有人能受持讀誦是經王者，誦此咒時，  
T16n0665\_p0431c18(01) 不假疲勞，法速成就。世尊！  
T16n0665\_p0431c19(07) 我今為彼貧窮困厄苦惱眾生，說此神咒，令獲大利，  
T16n0665\_p0431c20(02) 皆得富樂，自在無患，乃至盡形，我當擁護，  
T16n0665\_p0432a01(01) 隨逐是人，為除災厄。亦復令此持  
T16n0665\_p0432a02(05) 《金光明最勝王經》流通之者，及持咒人，  
T16n0665\_p0432a03(05) 於百步內光明照燭，我之所有千藥叉神亦常侍衛，  
T16n0665\_p0432a04(02) 隨欲驅使，無不遂心。我說實語，無有虛誑，  
T16n0665\_p0432a05(00) 惟佛證知。」時多聞天王說此咒已，佛言：  
T16n0665\_p0432a06(00) 「善哉！天王！汝能破裂一切眾生貧窮苦網，  
T16n0665\_p0432a07(00) 令得富樂，說是神咒，復令此經廣行於世。」  
T16n0665\_p0432a08(00) 時四天王俱從座起，偏袒一肩，  
T16n0665\_p0432a09(03) 頂禮雙足，右膝著地，合掌恭敬，  
T16n0665\_p0432a10(07) 以妙伽他讚佛功德：  
T16n0665\_p0432a11(00) 「佛面猶如淨滿月，亦如千日放光明；  
T16n0665\_p0432a12(00) 目淨脩廣若青蓮，齒白齊密猶珂雪。  
T16n0665\_p0432a13(00) 佛德無邊如大海，無限妙寶積其中；  
T16n0665\_p0432a14(00) 智慧德水鎮恒盈，百千勝定咸充滿。  
T16n0665\_p0432a15(00) 足下輪相皆嚴飾，載輶千輻悉齊平；  
T16n0665\_p0432a16(00) 手足鞞網遍莊嚴，猶如鵝王相具足。  
T16n0665\_p0432a17(00) 佛身光曜等金山，清淨殊特無倫匹；  
T16n0665\_p0432a18(00) 亦如妙高功德滿，故我稽首佛山王。  
T16n0665\_p0432a19(00) 相好如空不可測，逾於千月放光明；  
T16n0665\_p0432a20(00) 皆如焰幻不思議，故我稽首心無著。」  
T16n0665\_p0432a21(00) 爾時，四天王讚歎佛已，  
T16n0665\_p0432a22(08) 世尊亦以伽他而答之曰：  
T16n0665\_p0432a23(00) 「此《金光明》最勝經，無上十力之所說；  
T16n0665\_p0432a24(00) 汝等四王常擁護，應生勇猛不退心。  
T16n0665\_p0432a25(00) 此妙經寶極甚深，能與一切有情樂；  
T16n0665\_p0432a26(00) 由彼有情安樂故，常得流通瞻部洲。  
T16n0665\_p0432a27(00) 於此大千世界中，所有一切有情類；  
T16n0665\_p0432a28(00) 餓鬼傍生及地獄，如是苦趣悉皆除。  
T16n0665\_p0432a29(00) 住此南洲諸國王，及餘一切有情類；  
T16n0665\_p0432b01(00) 由經威力常歡喜，皆蒙擁護得安寧。  
T16n0665\_p0432b02(00) 亦使此中諸有情，除眾病苦無賊盜；  
T16n0665\_p0432b03(00) 賴此國土弘經故，安隱豐樂無違惱。  
T16n0665\_p0432b04(00) 若人聽受此經王，欲求尊貴及財利；  
T16n0665\_p0432b05(00) 國土豐樂無違諍，隨心所願悉皆從。  
T16n0665\_p0432b06(00) 能令他方賊退散，於自國界常安隱；  
T16n0665\_p0432b07(00) 由此最勝經王力，離諸苦惱無憂怖。  
T16n0665\_p0432b08(00) 如寶樹王在宅內，能生一切諸樂具；  
T16n0665\_p0432b09(00) 最勝經王亦復然，能與人王勝功德。  
T16n0665\_p0432b10(00) 譬如澄潔清冷水，能除飢渴諸熱惱；  
T16n0665\_p0432b11(00) 最勝經王亦復然，令樂福者心滿足。  
T16n0665\_p0432b12(00) 如人室有妙寶篋，隨所受用悉從心；  
T16n0665\_p0432b13(00) 最勝經王亦復然，福德隨心無所乏。  
T16n0665\_p0432b14(00) 汝等天主及天眾，應當供養此經王；  
T16n0665\_p0432b15(00) 若能依教奉持經，智慧威神皆具足。  
T16n0665\_p0432b16(00) 現在十方一切佛，咸共護念此經王；  
T16n0665\_p0432b17(00) 見有讀誦及受持，稱歎善哉甚希有。  
T16n0665\_p0432b18(00) 若有人能聽此經，身心踊躍生歡喜；  
T16n0665\_p0432b19(00) 常有百千藥叉眾，隨所住處護斯人。  
T16n0665\_p0432b20(00) 於此世界諸天眾，其數無量不思議；  
T16n0665\_p0432b21(00) 悉共聽受此經王，歡喜護持無退轉。  
T16n0665\_p0432b22(00) 若人聽受此經王，威德勇猛常自在；



T16n0665\_p0432b23(00) 增益一切人天眾，令離衰惱益光明。」  
T16n0665\_p0432b24(00) 爾時四天王聞是頌已，歡喜踊躍，白佛言：  
T16n0665\_p0432b25(00) 「世尊！  
T16n0665\_p0432b26(14) 我從昔來未曾得聞如是甚深微妙之法。」心生悲喜，涕淚交流，舉身戰動，  
T16n0665\_p0432b27(00) 證不思議希有之事，以天曼陀羅花、  
T16n0665\_p0432b28(03) 摩訶曼陀羅花而散佛上。作是殊勝供養佛已，  
T16n0665\_p0432b29(00) 白佛言：「世尊！  
T16n0665\_p0432c01(11) 我等四王各有五百藥叉眷屬，常當處處擁護是經及說法師，  
T16n0665\_p0432c02(03) 以智光明而為助衛。  
T16n0665\_p0432c03(11) 若於此經所有句義忘失之處，我皆令彼憶念不忘，  
T16n0665\_p0432c04(07) 并與陀羅尼殊勝法門令得具足。  
T16n0665\_p0432c05(10) 復欲令此最勝經王所在之處，為諸眾生廣宣流布，不速隱沒。」爾時，  
T16n0665\_p0432c06(00) 世尊於大眾中說是法時，  
T16n0665\_p0432c07(05) 無量眾生皆得大智聰叡辯才，攝受無量福德之聚，  
T16n0665\_p0432c08(01) 離諸憂惱，發喜樂心，善明眾論，登出離道，  
T16n0665\_p0432c09(00) 不復退轉，速證菩提。  
T16n0665\_p0432c10(00) 金光明最勝王經卷第六

引自CBETA：[http://www.cbeta.org/result/normal/T16/0665\\_006.htm](http://www.cbeta.org/result/normal/T16/0665_006.htm)

---